

江亢虎著

臺游追記

中華書局印行

江亢虎著

臺
游
追
紀

中華書局印行

自序

余好游。游或有記。或無記。卽有記亦率記之於旣游之後。而不記之於方游之時。誠以方游之時。心專在游不在記。鉛筆小冊。偶記人名地名時日而已。游罷歸休。然後迴溯舟車所經。見聞所得。參以一時感想所及。信筆直書。連篇累牘。全藁旣竟。略加詮比。命曰追記。記其真也。余非謂此爲游記正軌。亦不欲舉此以範圍方來。特由習與性成。因循未變。校其利害。各有短長。記憶不强。想像失實。罣一漏萬。乃至顛倒。錯亂失次。亦或難免。此其弊也。當前景象。樊然雜陳。取捨無準。事過追憶。如穀受簸揚。沙經濾

蕩。所尙存者。犖犖可數。類印像最深之事。又得從容綜攬始末。因果關係。井井可觀。是其利也。余前著黍谷游記。新俄游記。南游迴想記。今續出臺游追紀。悉準斯例。夫臺灣一彈丸黑子。孤懸炎海中。與大陸隔絕。而生蕃古風。和蘭遺蹟。延平拓殖。清室經營。日吏統制。僑氓懋遷。歷歷具在。班班可考。割讓以還。內地游人漸稀。記載尤所罕見。余滯留三星期間。徧歷北中南各州都市。多識中日臺各界要人。攬勝觀光。席不暇煖。演說宴會。日必數起。勞苦至矣。返滬小憩。追維游踪。草成短記。都六十則。上海晨報先予露布。中華書局重訂刊行。自製弁言。略陳經過。後有往者。可以覽焉。

中華民國二十四年新浴佛日江亢虎識於滬西清涼寺

臺游追紀目次

自序

臺游動機

護照手續

舟中一夜

基隆登陸

基隆交通

臺北稅駕

會館組織

華僑現狀

一〇

九

八

六

五

三

二

一

官廳招待……………一一

領館規模……………一三

市區概況……………一四

市面外觀……………一五

歷史博物……………一七

帝國大學……………一八

高等學校……………二〇

女學各校……………二一

臺人公學……………二三

圖書館制……………二五

陳列館場……………二六

臺灣神社	二七
新大成殿	二九
各教寺院	三〇
藝妓酌婦	三二
飯店宴會	三三
旅館殷勤	三四
大同講座	三五
文藝座談	三六
報館訪問	三八
詩社盛況	三九
大屯吟集	四一

茶業一瞥

四二

臺北兩橋

四四

縱貫火車

四五

臺中概況

四七

勒停僑校

四八

醉月盛筵

五一

霧峯喬木

五二

議會無望

五三

彰化文廟

五四

八卦溫泉

五六

會場花絮

五七

嘉義遊觀	五八
公會演說	六〇
阿里山中	六一
嚮導相失	六二
新高瞻仰	六四
山中吟詩	六五
吳鳳廟貌	六七
臺南名勝	六八
臺南宴會	七〇
高雄攬勝	七二
高雄女中	七四

高雄宴會	七五
新竹迴車	七六
新竹酬酢	七八
淨業唱和	七九
投贈誌謝	八一
鄉情宗誼	八二
基隆歸舟	八三
傷逝尾聲	八四

臺游追紀

臺游動機

余此次南遊。由汕過廈。本爲應廈門大學校長林文慶博士之約。但因沿途逗遛。抵廈之時。早放暑假。又因大學校舍距市較遠。交通匪便。被邀下榻青年會。旋移虎頭山上之中華中學。其校長王連元君。舊日上海南方大學學生。校中同事亦多南大同學。且有臺灣籍林惠泉許希蓮諸君。又蒙二十年前老友社會黨同志閩南耆老會幹事許冀公君。廈南女學校長余佩皋君。聞風來訪談。許君本臺灣獨立時一領袖。余君之夫莊惠泉君亦生長臺灣。皆慫恿一往遊。並爲介紹彼中

親友。余亦以足跡幾徧天下。而生平未抵此歷史上一名島。亟欲一觀野番初民生活。和蘭殖民遺規。延平王開拓之功。清政府經營之迹。及四十年來日本化之現狀。於是臺游之念以決。

護照手續

華人入臺及臺人來華。均須備辦護照。得雙方主管官廳之簽字。然後憑以購買船票。不似中日間交通往來不用護照之便利也。華工入臺護照。向歸日人所組織之南國公司包辦。每人取費五元。普通游歷護照。則由廈門特種公安局發給。取費四元。再往日本駐廈門領事館簽字。亦取費四元。余

此次護照。係託廈門青年會總幹事沈志中君代辦。極爲簡便順利。往日本領事館簽字時。亦毫無留難。并由領事塚本毅君親出延見。招待殷勤。又蒙特給介紹書數通。證明余之身分與地位。殊可感也。

舟中一夜

由閩渡臺。福州廈門每週皆有日本輪船直放。一夜可達臺北之基隆（本名雞籠）。或臺南之高雄（本名打狗）。廈門雖通商要埠。而除太古公司外。各船皆無碼頭。又無輪渡。須乘當地四姓壟斷之舢板。上下極感不便。余以八月廿一日午。趁大阪商船鳳山丸啓行。南大同學會青年會暨新舊友

人送行者二三十人。同行有學生蔡重光君。當地布商也。自備資斧。請願從遊。甫一上船。卽有日本領事館所屬高等特務（特別偵探）水上警察等。盤查詰問。至爲周詳。詢及余年齡。頗疑爲虛報。謂望之僅似三十許人。幸同舟有一日本煤商木村者。年七十三矣。而朱顏黑髮。耳目聰明。腰腳輕健。如五十許人。可爲一強力之旁證。余問木村養生之道。據云。慎起居。節飲食。損嗜欲。蠲憂忿。四言而已。舟中四望。風景至佳。島嶼出水青蔥。漁舟凌風上下。聞輪船未通以前。閩人渡臺。如遇順風。三日可到。天氣晴朗時。登廈門最高處。可隱約望見地痕一線。說者謂古人所稱蓬萊者。卽此新高砂（臺灣別名）也。

基隆登陸


翌朝拂曉。船抵基隆。六時許停輪海中。有日本海關警署醫官等。乘小輪來。檢查護照（日人名爲旅行券）及種牛痘證書。仍一一診察。一一盤問。諸事完畢。然後船得入口泊岸。行李由公司包運。通過稅關。送達住處。每件定價三角。稅關檢查異常嚴重。對印刷品照相機尤特別注意。余早有聞知。預將所攜封固不用。寄存稅關。俾免開驗。而隨身信札日記相片。亦逐件翻閱。并向光照勸。煞費時間。中華總會館總幹事林梧村君。先得電訊。遠自臺北來步相迎。偕往基隆中華會館小憩。僑民爲開歡迎茶會。會場在一商店前

樓。雖甚簡單。尙合法式。是日到者皆會中職員。閩粵籍最多。浙贛亦有數人。問其所業。各種悉備。而大商人則稀。主席易炳漢君。國語流利。辦事週到。一人才也。

基隆交通

基隆爲臺北第一商港。且爲要塞司令部所在地。自前年來。

滯深海口。增築碼頭。大輪可以出入停泊。日本郵船大阪商



臺北唯一海口基隆港規模最大由此直通首都臺北市